

PARLIMEN MALAYSIA

PEMBERITAHU PERTANYAAN DEWAN RAKYAT

PERTANYAAN : Lisan

DARIPADA : Tuan Zairil Khir Johari
[Bukit Bendera]

TARIKH : 9 November 2016

SOALAN : Tuan Zairil Khir Johari [Bukit Bendera] minta **MENTERI PERTANIAN DAN INDUSTRI ASAS TANI** menyatakan sama ada Kerajaan bercadang untuk mengharamkan penggunaan antibiotik bagi mempercepatkan pertumbuhan haiwan ternakan seperti yang sudah dilakukan di EU.

Tuan Yang Dipertua,

Beberapa negara Eropah (EU) telah mula mengharamkan pencampuran antibiotik dalam makanan ternakan sebagai *antibiotic growth promotants* (AGPs) bermula dengan Sweden (1988), Denmark (1995), Germany (1996) dan akhirnya EU keseluruhannya (2006). Akibat dari tindakan ini, sebilangan besar ternakan yang diternak secara intensif telah dijangkiti penyakit dan menyebabkan ayam ternakan mati.

Negara kita menghasilkan 3.15 juta ekor ayam sehari yang dijalankan secara intensif. Penternakan secara intensif ini akan memudahkan transmisi agen jangkitan dan tindakan pengharaman pencampuran antibiotik dalam makanan ternakan sebagai prophylaxis akan mengakibatkan kadar kematian ayam ternakan yang tinggi.

Tindakan percampuran antibiotik dalam makanan ternakan bagi tujuan pencegahan penyakit dan penggalak tumbesaran mempunyai manfaat dan juga ada risikonya. DVS sedang dan akan dari masa ke semasa mengadakan sesi *engagement* dengan pihak industri tentang bagaimana hendak mengurangkan risiko *Antibiotic Resistance (ABR)* yang berpunca dari percampuran antibiotik dalam makanan ternakan.

Antibiotik yang digunakan untuk kegunaan di ladang ternakan adalah dari kelas yang sama dengan antibiotik yang digunakan dalam perubatan manusia. Sehubungan itu, DVS akan merujuk kepada OIE mengenai *Highly Critical and Critical Veterinary Antibiotic* yang disyorkan untuk kegunaan veterinar.